

FRAMHALDSNÁM VIÐ HEILBRIGÐISVÍSINDASVIÐ HA

Hefur þú áhuga á að efla þig og vinna þvert á ólík svið heilbrigðisvísinda? Þá gæti þverfaglegt diplóma- eða meistaranám í heilbrigðisvísindum við HA verið eitthvað fyrir þig. Lögð er áhersla á umræður og virkni nemenda. Að jafnaði eru verkefni í stað prófa. Kennt er í lotum og námið skipulagt þannig að stunda megi vinnu með því. Námslotur eru fjórar á hverju misseri, ein í mánuði, að jafnaði rúmlega einn dagur fyrir hvert námskeið. Í tengslum við mörg námskeið eru haldin opin málþing eða ráðstefnur.



Áherslur námsins

Í náminu eru nokkur skyldunámskeið. Að öðru leyti skipuleggja meistaranemar námið í samráði við leiðbeinanda sinn og nýta meistaranámskeið við Háskólann á Akureyri eða aðra háskóla, innanlands eða erlendis, sem samræmast áherslu þeirra í náminu. Ef þú hefur áhuga á einhverju tilteknu sérsviði er einnig boðið upp á mörg sérfræðisvið. Meistaránámið veitir prófgráðuna

MS-gráða í heilbrigðisvísindum (120 ECTS) og diplómanámið veitir prófgráðuna Diplómagráða í heilbrigðisvísindum (45 ECTS). Markmið námsins er að þeir sem útskrifast úr náminu verði gagnrýnir greinendur, ígrundandi fagmenn, breytingarliðar og viðsýnir og skapandi leiðtogar. Þetta eru þeir námskrárþættir sem eru rauðu þræðirnir í uppbyggingu og innihaldi námskeiða og leiðarljós í kennsluháttum og námsmati.

Fyrir hverja er námið?

Krafa er að umsækjendur hafi lokið BS-námi á sviði heilbrigðisvísinda með fyrstu einkunn frá viðurkenndri háskólastofnun.

Margvíslegir möguleikar að námi loknu

Nemendur, sem hafa útskrifast með meistaragráðu í heilbrigðisvísindum, vinna á ýmsum sviðum og oftast á því sérsviði sem þeir hafa valið sér í framhaldsnáminu. Þá hafa sumir haldið áfram námi og farið í doktorsnám. Margir starfa við stjórnun innan heilbrigðiskerfisins, starfa sjálfstætt eða eru í stöðum sérfræðinga á sínu sérsviði.

Upplýsingar um námið veitir Ingibjörg Smáradóttir, skrifstofustjóri heilbrigðisvísindasviðs, í síma 460 8036 eða á netfanginu ingibs@unak.is. Umsóknarfrestur er til 5. júní nk.

Í boði er:

- Viðbótarnám, 45 eininga (diplóma)
- Viðbótarnám, 60 eininga (diplóma, heilsugæsla í héraði - klínísk áhersla)
- Meistaránám, 120 eininga
- Stök námskeið

Boðið er upp á eftirfarandi áherslusvið:

Almennt svið	Krabbamein og líknarmeðferð
Fötun og endurhæfing	Geðheilbrigðisfræði
Heilsugæsla í héraði – fræðileg áhersla	Heilsugæsla í héraði – klínísk áhersla
Langvinn veikindi og lífsglíman	Sálræn áföll og ofbeldi
Stjórnun í heilbrigðisþjónustu	Öldrun og heilbrigði

Nokkrar umsagnir fyrri nema



Ástþóra Kristinsdóttir, hjúkrunarfræðingur og ljósmóðir með meistaragráðu í heilbrigðisvísindum, vann rannsóknina *Stöðug, stöðug streita: Reynsla kvenna af heimilisofbeldi á meðgöngu*. Hún segir um námið: „Námið er vel skipulagt og skemmtilegt. Ég var mjög ánægð með kennarana og leiðbeinanda minn. Það er líka frábært að koma til Akureyrar og skipta um umhverfi og kynnst nýju fólki. Námið nýtist mér vel í starfi mínu sem ljósmóðir og ég er að kynna verkefni mitt fyrir heilbrigðisstéttum til að bæta þjónustu við konur.“



Héðinn Sigurðsson, læknir með meistaragráðu í heilbrigðisvísindum, vann rannsóknina *Starfsumhverfi og starfsánægja í heimilislækningum: Reynsla 16 íslenskra heimilislækna sem starfað hafa bæði á Íslandi og í Noregi*. Hann segir um námið: „Aðgangur að námi og rannsóknum við heilbrigðisvísindasvið Háskólans á Akureyri hefur verið hvalreki fyrir mig sem bý í Húnaþingi og hefði þess vegna ekki getað sótt slíkt nám með vinnu um lengri veg. Allur aðbúnaður hefur verið til fyrirmyndar og einstakt að hægt sé að halda uppi svo öflugum og fjölbreyttu námsframboði. Háskólinn á Akureyri hlýtur að teljast ein best heppnaða einstaka byggðaaðgerð í sögu þjóðarinnar.“



Sigrún Sigurðardóttir, hjúkrunarfræðingur með meistaragráðu í heilbrigðisvísindum, vann rannsóknina *Kynferðisleg misnotkun og önnur sálræn áföll í æsku og áhrif þeirra á heilsufar og líðan kvenna*. Hún segir um námið: „Meistaránám í heilbrigðisvísindum veitir heilbrigðisstarfsfólki marga möguleika til að bæta þverfaglega þjónustu við skjólstæðinga sína.“



Sólrún Óladóttir, iðjupjálfi með meistaragráðu í heilbrigðisvísindum, vann rannsóknina *Skjólstæðingsmiðuð þjónusta: Þróun matstækis og starfsemi á geðdeild FSA*. Hún segir um námið: „Námið er vel skipulagt og samþætting milli námslota einstaklega góð. Kennararnir koma úr hinum ýmsu fagstéttum og eru með ólíka menntun og starfsreynslu. Þetta hefur í för með sér að mismunandi sjónarhorn koma fram sem skapar grundvöll fyrir áhugaverðar og lærdómsríkar umræður. Töluverður sveigjanleiki er við val á verkefnatengdum viðfangsefnum og því gefst nemendum gott tækifæri til að tengja efni námsins við eigin áherslu og áhugasvið.“



Sigríður Hrönn Bjarnadóttir, geðhjúkrunarfræðingur með meistaragráðu í heilbrigðisvísindum, vann rannsóknina *„Ég veit ekki hvað það er að líða vel“: Reynsla kvenna með geðsjúkdóm af endurteknum áföllum vegna ofbeldis*. Hún segir um námið: „Það sem mér fannst skipta máli í náminu við HA var einstaklega hvetjandi viðmót kennara og hlýlegt umhverfi. Námið dýpkaði þekkingu mína og opnaði jafnframt nýja sýn um leiðir og áherslur við vinnu mína innan heilbrigðiskerfisins.“



Unnur Pétursdóttir, sjúkráþjálfari með meistaragráðu í heilbrigðisvísindum, vann rannsóknina *Áhrifaþættir þjálfunar hjá fólki með slitgigt: Hvað hvetur, hvað letur?* Hún segir: „Einn skemmtilegasti hluti námsins er að hitta heilbrigðisstarfsmenn úr ýmsum fagstéttum og ræða málín. Námið krefst mikils af nemendum og góð skipulagning er nauðsynleg.“

Boðið er upp á eftirtalin námskeið á haustmisseri 2015

HHS0105 Heilbrigði og heilbrigðisþjónusta: Staða, stefnur og straumar	10 einingar
MER0110 Megindlegar rannsóknaraðferðir	10 einingar
GHB0110 Geðheilbrigði	10 einingar
GHB0105 Geðheilbrigði	5 einingar
HGE0110 Heilsugæsla og heilsuefling	10 einingar
KRA0105 Krabbamein og líknandi meðferð	10 einingar
KHG1012 Klínísk heilsugæsla*	12 einingar

Boðið er upp á eftirtalin námskeið á vormissseri 2016

EIR0155 Eigindlegar rannsóknir	10 einingar
EEL0105 Endurhæfing, efling og lífsgæði	10 einingar
PFS0105 Þjónandi forysta, stjórnun og ígrundun	10 einingar
KHG1013 Klínísk heilsugæsla*	13 einingar

* Klínísk heilsugæsla er einungis í boði fyrir nemendur í heilsugæslu í héraði – klínísk áhersla.